

مجموعه سنون

۱۸

جمعیت علمیه عثمانیه

در این کتاب مجموعه اشعار و نثرات
معارف و ادبیات و غیره
مجموعه علمیه عثمانیه
در این کتاب مجموعه اشعار و نثرات
معارف و ادبیات و غیره

نجمی پسته

نومرو ۸

ماه شعبان

در این کتاب مجموعه اشعار و نثرات
معارف و ادبیات و غیره
مجموعه علمیه عثمانیه
در این کتاب مجموعه اشعار و نثرات
معارف و ادبیات و غیره

استانبول

وزیر خاندان ارزنجانلی اوغلو میناسیان آرتین

مطبعه سنده طبع اولمشدر

۱۲۷۹

ناتوانی

۱۹

(چینده بولنان اهل اسلام)

معلوم اولدیغی اوزره من القدیم چین ممالکنه اجنبی قبول اولمادیغی
مثلاً اهل البسی دخی خارجه چیقمه مآذون اولمادیغدن احوال
وکیفاتی کرکی کی تحقیق اولمه مزایدی فقط انکله و فرانسه دولترینک
مؤخرأ وقوع بولان غلبه ری اوزرینه چین دولتیله عقدینه ظفریاب
اولدقلری عهدنامه ده پای تخت اولان بکین شهرده دولتین مشارالیهما
سفیرری و بعضی مواقع لازمده قونسولوسلری اقامت ایلمسی و ممالک
مذکوره داخلنده اجابتک سربستانه سیر و سیاحتنه ممانعت اولنماسی
شروطی مندرج بولنش اولغله مقدمه اورایه عزیمت ایتمش اولان
اوروپا سیاحلرندن بریسنگ چینده بولنان اهل اسلامک مقدار و صورت
احوالاری حقنده تحقیقات واقعه سنه دأر اوروپایه یازمش اولدیغی بر
قطعه مکتوب شایان مطالعه مواد سفیده پی شامل اولغله بوجه اتی
ترجمه سنه ابتدار قلندی

چینگ جهت جنوبیه شده وآنکین طرفلرنده اهل اسلام پک چوق
اولوب حتی قانطون و یوننان طرفلرنده براز وقتدنبر و حکومت علیه

قیام

قیام و تالیف و نام بر یوک شهری ضبط و تسخیر ایدوب ایشدیکمه کوره
 شهر مذکور حالا قبضه تصرف زنده در شمال طرف زنده اهلایک
 عشرندن زیاده سی اهل اسلام اولوب بکینه یکر می جامع شریف
 و تین چین شهرنده بالکر بر مسجد وارد و شهر مذکور جوارنده غایت
 نفیس و جسیم بر جامع شریف اولدیغنی خبر المش ایسه مده بالذات
 کیدوب زیارت ایده مدم

اهل اسلام تافع خاندانندن در دینی پادشاه اولان چن کوان نام خاقانک
 جلوسندن ایکی سنه صکره یعنی تقریباً بوندن بیک سنه مقدم تاتارستان
 و هندستان طرفلندن چینه ورود المشردر اول ائنده ایمراطوری کویا
 کدوسنه مسلط اولان چن طائفه سی شرنندن تخلص المیش اولملریله
 بو کامکافه بیکر کشیدن مری کب اوچ فرقه عساکر اسلامیه ترتیب ایله محافظه
 مملکت عهده اهتماملرینه حواله قلمشدر و بونلر کافه بکار اوله رق کلش
 اولملریله خاقان مشار الیه طرفندن کندرلینه اوچ بیک زوجهدارک
 واعطاسیله تزویج اولمشلردر و برازوقت مریورنده مذکور اوچ فرقه
 رؤسایندن ایکبسی فوت اولغله اوچی برلشدریریلوب امر اداره لری
 قلان رئیسده احاله قلمشدر

ابتدا چینه کلان اشو اهل اسلام سنی المذهب اولوب کرک بونلرک
 نسلی و کرک دلائلریله اهالی چیندن اهتدا ایدنلر حالا بو
 مذهبده درلر

چینه یوز سنه دنبرو شیعه مذهبی دخی ظهور ایدوب فقط الان ندرت
 اوزره اولدیغندن بکینه بولان یکر می جامعدن بالکر ایکبسی مذهب
 مذکور اربانه مخصوصدر اهل سنت یدنده مذهب حنفیه بر جوق
 عربی فقه کابری کوردم بو کابلرک اکثریسی ممالک سائرده یازلش

نسخ صحیح و نفسه اولوب فقط ارقام صحایف و امثالی دیانته متعلق
اولیان بعض اشاراتی چین حروفیه محررد
شوراسی جای دقت و تعجبدرکه عرب لسانک تعلمیچون چین لسانی
اوزره صرف و نحو و لغته دائر هیچ بر کتاب تألیف اولمبوب لسان
عرب مقدماتی سانه عربی کابلرله مجرد السنه دن تلسی و تعلم اولنور
و بوضورتله قرآن کریم تلاوتی بش اون سنه یه متوقف اولدیغندن
اهل اسلامدن بونی قرائت ایده یسلانلرک نادر در عرب لسانک
اولوجهله مثبت صحایف اثار اولدیغنی حالده منسی و متروک اولماسنه
سبب دخی عربستاندن و یاخود عرب لسانی تکلم اولنور دیگر بعض
مملکتلردن اراقده علما و فقهای اسلامک اوریه تواردیدر الحاله هذه
چینه بولنان علمانک بر ثلثی و یاخود بر ربعی اولوجهله خار جدن کله
اولوب حتی مسلمان چینلوردن بش اونی بر ارایه کلسدکری حالده
ایچلرنده صاری یه مبال عرب چهره سی و حجاز و یمن و عمان طرفلری
اهالسنه مخصوص اسمر سیما مشاهده اولنور چین لسانده حروف
عریبه دن بر قاجی نقصان اولدیغندن قرآن کریمی ایوجه تلفظ
ایده مزل و کرک مصحف شریفی و کرک دیانته متعلق کتب معتبره
عریبه یی چین لسانه ترجمه ایتبوب اصلی اوزره ابقا و قرائت ایدرلر
و حق تعالی یه چین لسانی اوزره صاحب وافندی معناسنی متضمن
(چو) دخی دیرلر ایسده علم العموم الله لفظه جلالنی استعمال ایدرلر
چین اهل اسلامک کافه عربی اوله رق برر مسلمان اسملری و ارایسده
بونک تلفظنده انلرجه درکار اولان نقلته مبنی اکثریا چینجه اولان
اسملریله چاغریلورلر و حتی اوراده نمکن ایدن اجانب دخی شو محذوره
مبنی برر چین اسمی اتخاذینه مجبور اولورلر

جوامع شریفهده چنججه یازولر اولوب بونلر بعض آیات قرآنیه مضامین شریفه سنی نوعا متضمن ایسهده معنای مطابقتنک بولسان ایله کرکی کبی افاده سی ممکن اوله مدیغی اکلاشلور

أئمة اسلام خانه رنده اعیاد و مواسم رسمیه و اوقات صلواتی مبین چین و عرب لسانلری اوزره سال تقویملری کوردن اشبو تقویملرک بالاسنده شروط خمسۀ اسلامیه دن صوم زکوة صلوة کلمۀ شہانت اولق اوزره یالکز دردی محرر اولوب بشنجبسی اولان حج مسطور اولدیغندن بونک سببی بعض علماسندن سؤال ایتدیکمده حجازک زیاده بعدی و سفرینک صعوبت و کلفتی جه نیله بو فریضه نک ایفاسی کندورنجده همان درجه استحاله ده بولندیغندن حسب الضروره شرط مذکورک اسقاط اولندیغنی بیان ایلدی اشبو تقویملر پکینده طبع اولنوب اورادن کافه جوامع شریفه ارسال اولنور

چین اهل اسلامبله ممالک سائرہ مسلمانلری یینده شعار وادات دینه جه بر فرق اولوب انجق چینده جنازه تابوتلرینک الت طرفی کینک کبی اچیلوب قانور و تابوتی درت کشی اوموزلرنده ککوتوروب مزاره واردقلرنده الت قباغی اچیلهرق جنازه طوغر بجه قبرک ایچنه ایند یریلور چینده بولنان جوامع شریفه نک علی العموم نظافت و حسن انتظامنه اعنا اولنوب شکل و هیئتلری دخی ممالک سائرہ جوامعندن چوق فرقلی دکلدرو اکثریسنده منارهیه مشابه چارکوشه الجسق قلهلر واردر فقط اذان بونلرک اوزرنده اوقوغسق عادت اولوب جامع حولیسنده و یاخود دروننده اقامه اولنور

اکثر جوامع قبولری اوزرنده (خوای خوی نافع) الفاظی محرر اولوب بونک معناسی دخی خوای خوی یعنی اسلام جمعینکاهی دیمکدر چینده

مسلمانان (خوای چو) و بعضی کره (یکا اومن) نسیمه اولنور ایسده ده
کندوینلرنده مسلمان دیرلر

چینده مسلمانلر باشلریته نصف کره شکلده مائی و یاخود بیاض رنگده
کوچک طاقیه کوب بونکله بپرسنلردن تمیز ایدرلر فقط بن هیچ
بیاض طاقیه کیلرله تصادف ایتمه باجمه اهل اسلام خانه لرنده ابدست
المه مخصوص ابر یقلر بولنور

چین لساننده جوامع شریفده (لی پاسو) نسیمه اولوب معناسی هفته
عبادتخانه سی دیمکدر و مسلمانلر بو کاله حقیقی معبدی معناسی متضمن
(تسین چن سو) اطلاق ایدرلر علما و فقههای اسلامیه (لا او
چوقو) عنوانی ویریلوب معناسی خواجه نیر دیمکدر اشبو عنوان
چینلور عندنده زیاده تعظیمی متضمن اولوب بعض کره بابا دخی دیرلر
معلوم اولدیغی ارزده اشبو بابا و یاخود پاپا کله سی همان کافه ملل و اقوام
بیننده پدر معناسنه مستعملدر

(منیف)

(صوده بوغلانلرک صورت مداوات و استخلاصی) (مابعد)

غریق حقیقه اتخاذ و اجراسی لازم کلان تدابیر و معالجاتی بیاندن
اول بر غریق صو ایچنده تقدیر مدت قالدقدنصره دیر یله ییلوب نوقت
حیاتندن قطع امید اولنق لازم کله جکی و غریق قارننه کیرن صو
موتنه سبب مستقل عدد اولوب اولنه میه جغنی مسئله لرینه دایر
بعض تحقیقاتک افاده سی مناسب کورلشددر